



Comhairle an
Aontais Eorpaigh

An Bhruiséil, 7 Deireadh Fómhair 2022
(OR. en)

13027/22
ADD 1
LIMITE
PV CONS 55
TRANS 614
TELECOM 385
ENER 475

DRÉACHT-MHIONTUAIRISCÍ

CRUINIÚ URGHNÁCH DE CHOMHAIRLE AN AONTAIS EORPAIGH
(Iompar, Teileachumarsáid agus **Fuinneamh**)

30 Meán Fómhair 2022

ÁBHAR

Leathanach

Gníomhaíochtaí neamhrechtacha

2. Rialachán ón gComhairle maidir le hidirghabháil éigeandála chun aghaidh a thabhairt ar phragsanna arda fuinnimh 3
3. Roghanna beartais breise chun pragsanna arda gáis a mhaolú 3

Aon ghnó eile

4. Sceitheadh gáis ó phíblínte Nord Stream I agus II 3

IARSCRÍBHINN - Ráitis le haghaidh mhiontuairiscí na Comhairle 4

Gníomhaíochtaí neamhrechtacha

2. **Rialachán ón gComhairle maidir le hidirghabháil éigeandála** (*) 12428/22
chun aghaidh a thabhairt ar phraghsanna arda fuinnimh
Comhaontú polaitiúil

Bhí plé ag an gComhairle agus tháinig sí ar chomhaontú polaitiúil maidir le hidirghabháil éigeandála chun aghaidh a thabhairt ar phraghsanna arda fuinnimh.

3. **Roghanna beartais breise chun praghsanna arda gáis a mhaolú** 12427/22
Malartú tuairimí

Bhí malartú tuairimí ag an gComhairle ar roghanna beartais breise chun na praghsanna arda gáis a mhaolú.

Aon ghnó eile

4. **Sceitheadh gáis ó phíblínte Nord Stream I agus II** 12426/22
Faisnéis ó thoscaireachtaí na Danmhairge, na Gearmáine agus na Sualainne

Chuir toscaireachtaí na Danmhairge, na Gearmáine agus na Sualainne an Chomhairle ar an eolas faoin sceitheadh gáis ó phíblínte Nord Stream I agus II.

Mír atá bunaithe ar thogra ón gCoimisiún

(*) Mír ar féidir vótáil a iarraidh ina leith

Ráitis a ghabhann leis na míreanna neamhrechtacha ‘B’ a leagtar amach in

12813/22 + COR 1 (de)

Maidir le ‘B’ mír
2:

Rialachán ón gComhairle maidir le hidirghabháil éigeandála chun aghaidh a thabhairt ar phraghsanna arda fuinnimh
Comhaontú polaitiúil

RÁITEAS ÓN EASTÓIN

‘Cuireann an Eastóin in iúl gur cúis imní di an ghéarchéim leanúnach fuinnimh atá ar siúl faoi láthair agus is deimhin léi gur cheart do Bhallstáit a seacht ndícheall a dhéanamh chun an tionchar a bhíonn ag praghsanna arda fuinnimh ar thomhaltóirí agus ar ghnólachtaí a mhaolú.

Aithníonn an Eastóin cuspóirí an Rialacháin ón gComhairle maidir le hidirghabháil éigeandála chun aghaidh a thabhairt ar phraghsanna arda fuinnimh agus, de mheon na haontachtacha idir na mBallstáit, aontaíonn sí le téacs an chomhaontaithe pholaitiúil maidir leis an togra ón gCoimisiúin.

Maidir le hAirteagal 13 i ndáil leis an ranníocaíocht dlúthpháirtíochta shealadach éigeantach a chur chun feidhme, léirmhíonann an Eastóin Airteagal 13.2 ar bhealach go bhfuil an córas cánach acmhainní intíre atá ag an Eastóin cheana féin d’úsáideoirí acmhainní mianraí fuinniúla, córas ina bhfuil nasc soiléir idir na praghsanna domhanda tráchtearraí ola agus an ráta atá na cuideachtaí i dteideal íoc as cearta úsáide na hacmhainne, agus go bhfuil sé coibhéiseach leis an ranníocaíocht dlúthpháirtíochta agus go bhfuil cuspóirí comhchosúla á gcomhlíonadh ag an gcóras cheana féin.

Maidir le cúrsaí cánach amach anseo, éilíonn an Eastóin i gcónaí an bunús dlí cuí (Airteagal 115 den Chonradh ar Fheidhmiú an Aontais Eorpaigh) agus an ceanglas maidir le haontoilíocht a fhorordaítear ann.’

RÁITEAS COMHPHÁIRTEACH ÓN EASTÓIN AGUS ÓN LAITVIA

‘Maidir le dáileadh an bharrachais ioncaim, léirmhíonann an Eastóin agus an Laitvia Airteagal 9.1 lena gceanglaítear go n-úsáidfear barrachas ioncam chun tacú le custaiméirí deiridh leictreachais ar an mbealach seo a leanas:

Áiritheoidh an Eastóin agus an Laitvia go n-úsáidfear an barrachas ioncaim uile a eascraíonn as cur i bhfeidhm na caidhpe trí iad a infheistiú i ndlús a chur le táirgeadh breise fuinnimh inathnuaite. Cuirfear ioncam infrimeallach san áireamh agus déanfar é a thuairisciú ach ní bhaileofar é. In ár gcúinsí sonracha, is neamhshuntasach a bheadh an t-ioncam a d’fhéadfaí a fháil ó chur chun feidhme na caidhpe ar ioncaim an mhargaidh. Bainimid de thátal go mbainfidh tomhaltóirí na hEastóine agus na Laitvia an tairbhe is mó as an ioncam infrimeallach a bhfuil cuntas air má gheallann cuideachtaí go ndéanfaidh siad an barrachas brabúis a infheistiú go díreach i dtáirgeadh breise fuinnimh inathnuaite.’

RÁITEAS COMHPHÁIRTEACH ÓN gCRÓIT AGUS ÓN tSÓIVÉIN

‘Athdhearbhaíonn Poblacht na Cróite agus Poblacht na Slóivéine a seasaimh gur cheart an fhéidearthacht tacaíochta a leathnú chuig gach rannpháirtí sa mhargadh. Ós rud é go ndéanann tionchar na bpragsanna arda difir do líon i bhfad níos mó rannpháirtithe sa mhargadh ná mar atá ag cuideachtaí beag agus meánmhéide amháin, ba cheart an fhéidearthacht pragsanna rialáilte a chur ar fáil do gach tomhaltóir agus cuideachta.’

RÁITEAS ÓN UNGÁIR

‘Cuireann toscaireacht na hUngáire a forchoimeádas in iúl maidir leis an mbunús dlí a roghnaíodh don Rialachán seo, ós rud é nach leor Airteagal 122 CFAE mar bhunús dlí don rannpháirtíocht dlúthpháirtíochta, lena n-áirítear forálacha de chineál fioscach, ar cheart iad a phlé agus a ghlacadh dá réir sin le haontoilíocht.’